



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Agenda, Das ist: Kirchenordnung/ wie es im
Fürstenthumb Hessen mit verkündigung Göttliches
Worts/ reichung der heiligen Sacramenten vnd andern
Christlichen handlungen vnd Ceremonien gehalten
werden ...**

Wilhelm <IV., Hessen-Kassel, Landgraf>

Marpurgk, 1574

VD16 H 2964

Gebett zur zeit der Pestilenz.

urn:nbn:de:hbz:466:1-35994

Gebett zur zeit der Pestilenz.

Almechtiger Gott / wir bekennen
 Was wir mit vnsern manigfalti-
 gen schweren sünden dich oft vnd
 hart erzörnet / vnd allerley greuwli-
 che straffen verdienet haben / denn wir
 seind leider abgewichen vnd allzu-
 mahl vnthüchtig worden / wir vnd vn-
 sere Väter haben deine Gebott / recht
 vnd sitten nicht gehalten / Bitten aber
 deine grundlose Barmherzigkeit mit
 reuwigem herzen / vmb Ihesu Christi
 deines lieben Sohns willen / du wöl-
 lest nicht mit vns handeln nach vn-
 sern sünden / sondern erbarm dich vn-
 ser nach deiner grossen güte vnd lang-
 mütigkeit / sey vns gnedig / vnd nimm
 von

von vns weg nach deinem Väterli-
chen willen die grausame seuch der
Pestulenz / vnd laß vns nicht sterben
ahn dieser erschrocklichen plage / reu-
hme vns nicht auff in deinem zorn /
vnd raff unsere seele nicht hin mit den
sündern / noch vnser leben mit den ü-
belthetern: Ach Herz laß ab von dei-
nem grun vnd vngnade über vns /
wiltu denn ewiglich über vns zür-
nen? vnd deinen Eiffer gehen lassen
immer für vnd für bis das bald auß
sey? Wiltu vns denn nicht widder er-
quicken? das sich dein volck über dir
freuwen möge? Herz erzeige vns dei-
ne gnade vnd hilff vns / gedencke ahn
deine gute vnd barmherzigkeit / vmb
deines Namens willen. O gütiger
Gott du bist gerecht / vnd vnstrefflich
seind alle deine Gericht / wir aber ha-
ben

Ben gesündigtet / vnd deinen gerechten
 zorn vber vns erzeget / Darumb ist diese
 scharpffe rüthe billich vber vns kom-
 men: So vergib nuhn die missethat
 deinem volck / vnd nimm weg von vns
 diese geschwinde Giffte / vmb das bit-
 ter leiden Ihesu Christi willen / behüte
 vns für deinem Zorn / für einem bö-
 sen schnellen todt vnd ewigen ver-
 dammus: Wann du aber ihe vnser
 sünde heimsuchen wilt mit dieser zeit-
 lichen straffe / so hilff das wir deine
 Väterliche hand erleiden / in der züch-
 tigung nicht verzagen / dan wann wir
 gerichtet werden / so werden wir von
 dem Herrn gezüchtiget / auff das wir
 nicht sampt der Welt verdampft wer-
 den: So ist es auch besser hie zeitlich
 gestrafft werden dan dort in jenem le-
 ben / vnd wir wollen lieber in die hen-

J

dedes

de des Herrn fallen / weder in die hena-
de der Menschen / denn seine Barm-
herzigkeit ist sehr gross : O gütiger
Vatter erhalt vns im warem glauben
ahn Ihesum Christum / welcher die ewige
versünung vñ das vollkommene
Opffer für vnser sünde ist / Amen.

Ein ander kürzer ge- bett wider die Pestilenz.

Barmherziger ewiger Gott / wir
bekennen das wir die straff der
Pestilenz / vnd was du vns züsündest /
mit vnsern sünden sehr wol verdienet
haben / Bitten aber deine Barmher-
zigkeit / du wöllest vns durch Ihesum
Christum deinen Sohn / vnser sünde
gnediglich